

HUSI AUDENSIA KOMISAUN A-PN HO MEDIA, LEI KOMUNIKASAUN ARTIGU 20 “MOSU DERPENTI”

06 FEB 2014 BY:REDAKSI 27 VIEWS

DILI-Kuarta feira horsehik, Komisaun A-PN halo audensia publiku ho media komunikasaun iha Timor Leste, koalia konaba Lei Komunikasaun Sosial. Lei ida nee importante duni ba media hodi proteje liberdade media komunikasaun iha Timor Leste.

Iha biban nee, Prezidenti STL Media Group Salvador J. Ximenes Soares fo preokupasaun boot ba Arigu 20 Lei Komunikasaun Sosial konaba ‘sansaun ba media ho montante osan \$10 to’o 25 mil. Nia sente, artigu ida nee mosu derpenti. Laliu husi debate ruma.

“Lei Komunikasaun Sosial nee koalia barak liu ba media cetak. Tuir lolos tenki koalia mos ba media elektronika (radio no televizaun). I tuir observasaun media STL durante nee mos hatudu katak, to’o ona tempu ba Timor Leste tenke iha ona lei ba media elektronika, para tau didiak media elektronika sira nia fatin. I fatin nee oinsa, ita tenki defini didiak, tamba ninia papel importante tebe-tebes ba nasaun no povu, wainhira media privadu sira seidauk bele halao no kompete ho RTTL,” hateten Salvador J. X. Soares iha forum audensia publiku nebee halao iha Hotel Ximangane, Tibar.

Nia hatete, media elektronika iha tipu oin tolu maka hanesan publiku, privadu no komunidadade. Ne’e importante tebes, tamba nee tenki tau lolos RTTL iha ninia fatin, apakah RRTL hanesan media publiku, ou media setengah privadu ka BUMN. Ida nee maka tenki aserta didiak iha Lei Komunikasaun Sosial.

Uluk, RTTL harii ho lei, maibee muda ba imprensa publiku ho deit dekretu lei. Ne’e mos iha problema uit uan iha neba. Tuir lei, hare tok, iha buat ruma lalos ona, konaba estatuta RTTL nian. Ida nee tenki toma atensaun para tau RTTL nia fatin tuir lolos, para aban bairua labele susar. Satan iha lei ida nebee bolu naran inkontabilidade. Ida nee fo susar uituan ba RTTL. Neduni, lei nee tenki formula didiak, para tau iha fatin.

Fila ba Artigu 20 Lei Komunikasaun Sosial, nia dehan, “Artigu ida nee mosu derpenti. Laliu husi debate ruma ho Team 5. Ami seidauk koalia, tan nee, ami la hatene,” hatete Salvador.

Prosesu hamosu Lei Komunikasaun Sosial nee, halao iha Hotel Timor, fulan Maiu tinan 2013. Maibe

momentu neba, Artigu 20 nee laiha. Se agora tama iha Lei nee, entaun artigu nee mosu derpentu mosu. Media sira la hatene.

Iha fatin hanesan, jJornalista RTTL Paulino Quintas hatete, sira mai foo opiniaun konaba esbosu lei nebee governu hato'o ona ba Komisaun A-PN. Antes nee, sira mos halao debates hamutuk ho Asesor SEKOMS, halo esbosu lei nee no hato'o ba Konsellu Minstru halo presiasaun depois hato'o ba PN.

“Ami hanoin, lei ida nee importante tebes, oinsa atu proteze no sai matadalan ba media sira iha TL, tamba antes nee uza lei Indonesia nia no lei UNTAET nia hodi halao srvisu, maibee agora ita hotu hen lei nee para foo portesaun ba media sira, maibee implesmente durante ami nia diskusaun ho Asisor, tim 5 ho Asosiasaun sira ami nunka hetan artigu balun nebee mosu derpentu deit halo ami sai konfusaun no perokupa konaba artigu 20 ho sansaun ho omntante osan 10 mil too 25 mil,” hateten Quintas.

Husi kestaun hirak nee Vice Prezidente Komisaun A-PN, Arao Noe hateten ohin loron tomak ami halao audensia publiku konaba lei imprensa nia, mai iha parlamentu iha fulan outobru 2013. Maibee tamba OJE, neduni adia tiha, depois konklui tia OJE maka komisaun komesa halo azenda ba deskusaun no aprovasaun ba lei imprensa nia. “Tamba nee sira hatoo informasaun ami simu ho posetivu para kontribui hadia lei nee ho diak liu tan, atu nune bele aplikabel, mesmu lei hee ho artigu 26 maibee ho akumodabel,”hateten Arao. Konaba Artigu 20, kuandu akontese buat ruma konsellu imprensa bele aplika buat ruma, ba imprensa nebee halo pelanggaran. **Joao Anibal**